

Zaštitite svoje ptice protiv ptičje gripe

Mnogi drže perad i druge vrste ptica, i unatoč tome što je rizik da će egzotične bolesti, kao što je ptičja influenza (ptičja gripa) stići do naših obala mali, svi vlasnici trebaju budno motriti na znakove oboljenja.

Bolest se širi kontaktom između životinja, ujedima i ogrebotinama. Zrak, izmet, odjeća, obuća, koža, sluz, prostirke, posude za stočnu hranu i vodu, vozila, oprema, kontaminirano meso i jaja mogu prenositi i širiti bolesti.

Ove jednostavne, zdravorazumske mjere pomoći će vam zaštititi vaše ptice protiv bolesti.

Ne dozvolite kontaminaciju vode i stočne hrane

Rizik bit će mali za vaše ptice ukoliko njihovu hranu i vodu zaštitite od divljih ptica i životinja. Stočnu hranu čuvajte u dobro zatvorenim kutijama i uvijek počistite hranu koja se prospe. Najveći rizik predstavlja voda do koje mogu doći divlje ptice. Trebate koristiti samo vodu iz gradskog vodovoda ili iz bušenih bunara, a ako to nemate, vodu trebate klorirati.

Izbjegavajte kontakt s divljim pticama

Divlje ptice i štetočine mogu biti nosioci više vrsta bolesti. Ne dozvolite da se vaše ptice miješaju s divljim pticama. Postavite mreže ili ograde kako biste ograničili dolazak divljih ptica, a također odstranite predmete koji privlače divlje ptice, kao što su stočna hrana, otvoreni rezervoari za vodu i prečke za kokoši. A isto tako vašim pticama ograničite mogućnost odlaska na otvorene rezervoare za vodu, jezera i potoke.

Održavajte čistoću

Redovito čistite velike i manje kaveze i dvorišta za živinu. Dezinficirajte opremu, kao i posude za stočnu hranu i vodu. Ne koristite istu opremu s još nekim vlasnicima ptica i uvijek dobro operite ruke, odjeću i obuću, i to vrućom vodom i sapunom i prije i poslije rada s pticama.

Ne zaboravite na strogu higijenu kada odete na izložbe

Ako odlazite na izložbe ptica, ne dozvolite da se vaše ptice izravno miješaju s drugim pticama. Uvijek dobro operite ruke sapunom i vrućom vodom i prije i poslije rada s pticama. Izbjegavajte kupnju ptica na tržnicama ili izložbama. Kada se vratite doma, na 10 dana izolirajte ptice koje ste nosili na izložbu i tek ih poslije toga vratite u jato.

Ograničite broj posjetilaca vaših ptica

Infekcije se mogu prenositi na rukama, odjeći i obući. Ukoliko posjetioci trebaju nešto raditi s vašim pticama, neka obavezno dobro operu ruke sapunom i vrućom vodom i prije i poslije rada s pticama.

Za nove ptice zavedite karantenu

Kako biste izbjegli da se vašim pticama donesu bolesti, nove ptice, ptice za izložbu ili trke očistite, odvojite i posmatrajte 10 dana prije nego se one počnu miješati s postojećim jatom. Uvijek kupite ptice od dobavljača na dobru glas, a izbjegavajte kupnju ptica na tržnicama. Provjerite zdravstveno stanje svih ptica koje kupujete ili nosite negdje.

Upoznajte se sa znakovima oboljenja

Uvijek budite oprezni i redovito pregledajte svoje ptice. Ako se **nekoliko** vaših ptica razboli ili uginu, to odmah prijavite.

Uobičajeni znakovi na koje trebate motriti uključuju:

- * nakostriješeno perje
- * nesposobnost da hodaju ili stoje
- * neobično držanje glave ili vrata
- * klonulost
- * nerado kretanje, uzimanje jela ili vode
- * teškoće s disanjem
- * proljev
- * otečenu glavu, mindušu ili krestu
- * smanjenu proizvodnju jaja
- * iznenadnu smrt više ptica.

Prijavite bolesne ili uginule ptice na 1800 675 888

Ako više vaših ptica ispoljava neobične simptome oboljenja, abnormalno ponašanje ili neočekivano uginu, to odmah prijavite na dežurnu telefonsku liniju za hitne slučajeve bolesti životinja (Emergency Animal Disease hotline) besplatnim pozivom na **1800 675 888**. Umjesto toga, slučaj možete prijaviti mjesnom veterinaru ili mjesnom odjelu za primarne industrijske grane ili poljodjelstvo.

Sve vrste ptica mogu biti osjetljive na ptičju gripu. Pokazalo se da se ona pojavljuje kod više od 140 vrsta. Ptičja gripa je bolest koju se mora prijaviti.

Za više informacija, posjetite www.daff.gov.au/birdflu